

'Pɔɓɓ'a ''bɔɔɓɓ ɔ po'a KOLOSUKOMU -jeyi

Wludie po'a nyɔ ''bɔɔɓɓ -nɛɛ'ɛ -naagɪ 'li.

Kolosukomu 'ma-a Zezii'a nyɓ, 'ɪnnɓ ɔ -dalbhoyi 'Pɔɓɓ po'o ''bɔɔɓɓ -nɛɛ -jeyi. Lɪ-ɪ se'a 'kpu 'bhle, -ka nyɓɓɓɓ-ɓ tɔ 'nɪ 'le 'wa ''klumu, ɔ 'wɪn -ɪ 'bɔ. 'ɛ dɪ ɔ po 'ɓ ''bɔɔɓɓ -nɛɛ -jeyi. 'Le 'ɛ 'limɓ ɔ na Zezii Kliisi 'mo-o lɪ 'wee'a ''lrugayɓɛ, 'le, nyɔ-ɔ de 'ɔ ''gwli, ɔ-ɔ 'pɒn'o 'bho -Lagɔ'ɔ ''yigbeyi. ɛ-be ''gwlideɛ 'mnɛ'ɛ ''sɛ'ɛ dɪ nyɔ-ɔ 'pɒn'o.

'Yewlu

I-II A-bɓ Kolosukomu 'ma-a -a *-Bozezii *Kliisi'a nyɓ, a-bɓ de 'ɔ ''gwli 'le a -ke ɔ 'ye'a ''yi''sisri, a-bɓ -ke ɔ-ɔ na'a a'ba -pɔɓɓ'a kle ti, 'ɪnmɔ 'Pɔɓɓ -Lagɔ'ɔ ''bhɒ -za'a 'bho 'ɪn 'ke *Zezii Kliisi 'mnɔ'ɔ -dalbhoyi ''du, 'ɪn -ke -a'ba 'lotɓ'a ''yu Timotee -nɪ 'sɔn, -a-bɓ 'ye'e amɓ, 'le 'ɪn-ɪ po'o amɓ ''bɔɔɓɓ -jeyi! -A'ba -tɪta -Lagɔ nɓ amɓ -zɛɛɛ ''lruli 'le ɔ 'ke amɓ -pɔɓɓ'a bhlubhlua ''nyɪ!

*'Pɔɓɓ-ɓ 'po-o 'wa dɪ *-Lagɔ wɔn gbo*

III -A 'po-o -a'ba -Kɔyi *Zezii *Kliisi'a -tɪta *-Lagɔ wɔn gbo -wlɛɛwlɛɛ a'ba dɪ. -Bho -a -kɔ ɔ -kaa wɔn gbo-o po, -a 'po -ɔ 'sɛɛ ''kɔmɓ a'ba dɪ. IV -ɛkedɪmaa, -a 'wɔn-ɔ 'bɔ na, a 'de-e Zezii Kliisi ''gwli 'le a -kma'a a -Bozezii'a nyɓ'a dɪ -lrɛɛ. V A -gblee, lɛ -ke ''lru ''yi a-a nɓ'a -kaa, 'ɪnnɛ 'mo-o, ''kɔgwletɪnɪzɛɛɛ-ɛ 'ye'a amɓ 'mɓ ''yi mɓ 'le ɛ 'ka ti'pɪple 'le yaku 'li 'bho -Lagɔ'ɔ ''troli, a -de 'nɛ-ɛ

-pɔɓɔ 'yi. -Lago'ɔ 'dɪzɪgɪ -za'a-a 'ε 'kpidɪ 'mɔ 'le a 'ye ɪ 'bɔ'wɔn. VI I-bɪ 'dɪzɪgɪ 'mnɪ, ɪ-ɪ wa'a 'le-e 'bhlɪkɪ'a -dadudu 'kpi ti. Nyɔ-ɔ 'lɪ 'ɪ -ziadɪ, ɔn-ɔ 'kpa-a 'kpi 'yɛɛɛ 'le ɔn-ɔ 'srɛɛ'ε 'wa kpli 'yi. Wlu-u 'ma-a -ziadɪ, -ka -Lago'ɔ 'limɔ -nmɔ'ɔ wɔn, -ε -zɪ 'ɪ 'mɔ, a -kɛɛ ε-ε 'bɔ-ɔ'wɔn, -ka -lue 'mnɔ, 'ka-a ε -nɪ'e a-bee -mnɔɔ -bodɪ -lrɛɛ. VII A -gblee, Epaflastɪ 'ma-a -a -Bozezii Kliisɪ'a lbhɔnɔyi, -ɔ -ke dɪ -a -kma'a tenyɪ, 'innɔ -tɔ 'nɪ amɔ. 'Bho -a'ba 'bɪ 'mɔ ɔ nɔ ε'o 'ɔ -pɔɓɔ'a klɛ ti 'le amɔ gbo. VIII ɔbɔ 'mnɔ, -ka *-Lago'ɔ Lisaazuzu po'a amɔ 'kpi 'mɔ 'le a 'ye'a a -bonyunyu'a dɪ -kma, 'innɔ -zɪ 'ɪ -amɔ -bodɪ 'mɔ.

IX 'Inne 'bhle'e 'nynɪ'a dɪ, -a -kaaa wlu 'mnɛ 'bɔ-ɔ'wɔn, -a po'o -Lago wɔn gbo -wlɛɛwlɛɛ a'ba dɪ. -A 'po -ɔ wɔn gbo 'le ɔ 'ke amɔ 'ɔ 'gwɪɔdɪ -tɔ, a 'ke ε yibo -ka -zɛgɛka 'le a 'ke ε nɔ, 'le 'ɔ Lisaazuzu 'ke amɔ -naagɪ 'nyɪ 'le a 'ke ɪ-bɪ dɪ 'mnɪ 'muti'wɔn. X -Bho ε -nɪ -kaa 'mɔ a, 'lemnɪ, kpli-i nɔ'a -a'ba -Kɔyi Zezii Kliisɪ 'tɔ, a 'bhle -ɪ'o, 'le a 'ke 'ɔ 'gwɪɔdɪ nɔ. Lɛ'o lɛ-ε 'ma-a -zɛgɛ, a-a 'ye -ε -nɔ -mɔ 'le a'ba -Lago'ɔ yiboε 'ke 'kpi'kpa. XI ɔ-bɔ -Lago -ke 'nynɪ-ɪ 'bhɛ'ε 'yi, -a 'po -ɔ wɔn gbo, 'le 'ɔ wɔnkɛ 'mɔ, ɔ 'ke amɔ 'kpi 'mɔ po tenyɪ, 'le, -bho 'kleyɛɛ bhla amɔ 'kpi, a 'ke 'kpa 'yi ku 'le a 'ke 'gwli-ku -lrɛɛ, a 'ke ε wɔnyɪ'bhɛɛ 'le ε 'ke 'le 'bɔbɔa 'mɔ 'du. XII A -gblee, 'nɔɔ -a'ba -tɪta -Lago -nɪ'a yaku 'li, 'nyinynidɪ'a -lue komu se 'le -nɪ. 'Le 'mnɔ, 'le-e ɔ-ɔ fuo nɪ'e 'ɔ nyɔ wɔn ɔ 'ke ɔ -zɛgɛ 'lrulinɔ. A-bɔ -ke -jɔɓɔ ɔ kati'a 'yi, a 'ke ɔ 'le -yɛ 'le a 'ke -zɛgɛ 'mnɛ 'ye, a po ɔ 'sɛɛ! XIII A 'ye li-ɔ, 'le 'nyinynidɪ'a -kuyre 'mɔ ɔ -za'a -amɔ 'le -a 'ye *Sataan'a 'lru 'zɔ 'wɔɔ,

'le nyu 'o dukmayu Zezii Kliisi -ko'ɔ, ɔ 'ye -amu
'le 'wa "klumu po. XIV 'o "yu Zezii 'mno, 'unno
zetie'e -amu 'le -a'ba "nyinyidɪ 'mu 'le -Lago'ɔ
"bhuo 'ye 'ya dɪ 'bho.

**Zezii 'mo-o -Lago'ɔ tiyalɪ 'wee'a -klagba*

XV -Lago -nɪ'a 'le yaku 'li nyu'ɔ 'ye'a li, -ka 'o
-dedekpli -nɪ'a a, 'le *Zezii *Kliisi 'mu ɔ -po 'ne
'piemu 'le nyu 'ye ε li'ye. Le'o le -Lago -ya'a ti,
'unno 'mo-o 'ya -klagba. XVI -Ekedɪmaa, 'unno ɔ -zi
-nɪ'e 'mu, 'le, li-ɪ -nɪ'a 'le yaku 'li -ke yaku 'yi o,
-yɪ -nɪ'a 'no ɔ 'bhlu'kpa "kpi o, -yɪ nyu'ɔ 'ye'a li o,
-yɪ nyu'ɔ 'ye'a li o, nyu'o nyu'ɔ 'bhle'a wɔnkue
'le yaku 'yi -ke yaku 'li, ɔ 'ye ɪ ti-ya. ɔ -zi -nɪ
'no 'mu-ε 'le ɔ 'ye ɪ ti-ya 'le 'o 'nyɪ 'ke 'yi'bhε.
XVII -Da ɔ -see 'ɪ ti-ya ke, 'o nyotu -nɪ'e-e ti see.
'unno 'bhle 'ɪ kwa 'le ɪ 'ye ti-nɪ 'o 'sana 'mu. XVIII -
Ka nyu'ɔ 'lru 'bhle'a 'o 'gblu kwa, -ka -lue 'mno
'ka-a ɔ "du'o 'o -glɪgba'a "lrugayue. 'unno "nyɪ'e
nyu tinɪɛre. 'unno 'mo-o li 'wee'a 'bhleyi. Nyu -
Lago -za'a glu 'le 'memu'a "klumu, -v -nɪ'a ti -lreε,
'unno 'mo-o 'wa nyamna. ε-ε tɔ-o'o na, 'unno 'mo-
o -Lago'ɔ tiyalɪ 'wee'a -klagba 'le ɔ-ɔ "nyɪ'e nyu
tinɪɛre. XIX -Ekedɪmaa, -Lago'ɔ "bhuo-o 'ybha'a
'o -dedekpli'a kle 'ke 'le 'o -pɔlu 'zo -nɪ. XX -Ka -lue
'mno 'ka-a ɔ 'ybha'o -lreε ɔ 'ke 'o "yu 'mno 'mu
-zi -nɪ, 'le, 'o tiyamv -nɪ'a 'no ɔ 'bhlu'kpa "kpi-e, 'le
yaku 'yi -ke yaku 'li, ɔ -ke vɪ 'ke -ybhε. ɔ-bo 'o
"yu-u 'me -nɪ'a 'bho nybyrɪlbhaatu "yri, 'o nymɔ-
ɔ 'wla'a ti, 'unne -ya'a 'bho 'wa 'nyɪmu -pɔlu'a
lipɪreε.

XXI A -gblee, 'an 'lotu'a "nynuu-a, "nyinyidɪ a-
a nu 'ka, a-a popo 'ka 'gwɔti -benyɪ'a dɪ, a -se

'kɪ-ɪ -Lago'ɔ nyɔ -ko. **XXII** 'Traamu 'tɔ ɔ, 'memɛɛ 'ɔ "yu 'mno 'mɛ -nɪ'a 'bho ɛ-be nyɔyribhaatu 'yri, 'ɔ nymɔ-ɔ 'wla'a ti, 'inne -ybhɛ -nɪ'e amɔ, 'le, -bho ɔ -ka le-e yi, a -kaa 'bɪ li'bhle 'bho 'ɔ 'yigbeyi. **XXIII** Lɪ a 'ka nɔ 'le ɪ 'ka -kaa 'mɔ-nɪ a, 'inne 'mo-o, -Lago'ɔ "dɪzɪɪ nyɔ-ɔ tɔ'ɔ amɔ, a -de nɪ 'li ti "kɔmu! A'ba 'ɔ "gwɪdeɛ'ɛ -sɔ -denɪ 'mɔ-le! A -kaaa ɪ-bɪ "dɪzɪɪ 'mno 'bɔ-ɔ'wɔn, "kɔgwɪɛtɪnɪɛzɛɛ-ɛ 'ye'a amɔ 'mɔ 'yi mɔ 'le ɛ 'ka ti'pɪle 'le yaku 'li, a -de'a -pɔɔ 'yi, a'ba -pɔɔ'a 'wɔ ɛ "yi-le! ɪ-bɪ "dɪzɪɪ 'mno -lɛɛ, 'nmɔ 'Pɔɔ pa'a 'ya 'mɔzalbɔ 'le nyɔ 'ye ɪ 'bɔ'wɔn 'le 'bhɪkɪ'a -dadudu "kpi.

*'Pɔɔ -kpa'a-a ɔ *-Bozezi'a nyɔ*

XXIV 'Traamu 'tɔ ɔ, 'an 'lotɔ'a 'nynuu-a, ɛ-be lbɔ 'ɪn-ɪ nɔ'a a'ba -zɛɛ'ɛ dɪ, 'ɛ kamɔ nyɔ-ɔ ya'a 'ɪnmɔ 'kleyɛɛ "kpi, 'le, ɛ-be 'an 'kleyɛɛ 'mɛ, ɛ-ɛ 'lbhaa'a 'ɪnmɔ 'bɔbɔa 'yi. -ɛkedɪmaa, -ka nyɔ'ɔ "lɪ 'bhle'a 'ɔ 'gblɔ kwa, *Zezii *Kliisɪ 'ma-a -kaa 'ɔ -glɪgba'a 'lɪrugayɔ, ɔ 'ye-e 'kle -benɪ, 'le -a 'ye 'pɔn 'bho -Lago'ɔ "yigbeyi. -Ka -lue 'mno ɔ, 'ka-a 'mna-a'a ku-u 'nɪnɛ'o -lɛɛ 'le 'ɔ lbɔ 'ke "yɪgɔ mu. ɛ-be 'an 'kleyɛɛ 'mɛ, 'inne -nynia'a 'ɔ nɛ "yi. **XXV** A -gblee, -Lago'ɔ "bhɔ-o -za'a 'bho 'ɪnmɔ, nyɔ-ɔ 'ma-a 'ɔ -glɪgbawɔnyɪ'a nyɔ, 'ɪn 'ke ɔ -kpa. ɔ 'bɔ-ɔ ti, 'ɪn 'ke nyɔ 'wee 'ɔ "dɪzɪɪ -bodɪ 'mɔ-za. **XXVI** -Tanyɪ a, 'ɔ "dɪzɪɪ 'mno, ɔ "zize 'ko-o 'ya "kpidɪ nyunyu 'wee "yɪli. 'Traamu 'tɔ ɔ, ɔ 'pɔ -ɪ "piemɔ, nyɔ ɔ -kɔ'ɔ, ɔn 'ye ɪ 'bɔ'wɔn. **XXVII** -ɛkedɪmaa, lɛ ɔ 'ybh'a'a ɔ 'ke nɔ, -ka ɛ 'bhɛ'ɛ "yi ɛ -zi'a lɪ 'wee, ɔ 'bɔ-ɔ ti ɔ 'ke ɛ ɔ -tɔ, 'le ɔ 'ke 'bhɪkɪ 'wee'a nyɔ -kpa. ɪ-bɪ "dɪzɪɪ

-ke "kpidu 'kpa'a "piemu, 'unu 'mo-o, a-bu -se'a-a *Zuifu, Zezii Kliisu -ni'e-e amu 'mu. 'E "lru "yi, -ka 'o 'nyu 'bhe'e "yi, a'ba ne-e 'ye -kaa 'mu-nu mu.

XXVIII 'Ka-a e -ni'e 'mu'a du, -a za'a 'o du nyu 'wee -bodu 'mu, -a "du 'u "du 'mu, 'le, -naagi -Lago "nyu'a -amu, -a "luo 'ne 'mu, -a to nu'o. -A 'bo-o ti, nyu'o nyu-o -ke Zezii Kliisu "sisri'a "yi, -ka -Lago'o -dedekpli -ni'a a, 'o ne 'ke -kaa -ni. XXIX 'Inne 'bhle'e 'nyu'a du, wonkukupi Zezii Kliisu po'a 'u 'mu, 'u-u nu 'u lbhu.

II

I A -gblee, a-bu Kolobukomu-e, Laodiseekomu -ke nyu -lruu-u -see'a 'umu 'ye ke, -ka 'u -ni'a stanamu a'ba du, 'u 'bo-o ti a 'ke u yibo. II 'In-u 'nu-o -kaa 'le a 'ke 'ku "yipopo, a 'ke du kukma 'le a 'ke tikupkpu. Zezii Kliisu'a "dizigu'a "kpidu -Lago po'a "piemu, 'u 'bo-o ti a 'ke u 'muti'won tenyu, a 'ke u 'li ti-de 'le -Lago 'ke amu 'ya du "niti-wonna. I-bu 'o "dizigu 'mu, Zezii Kliisu'a "kpidu u -za'a 'mu. III O-bo Zezii 'mu, 'unno "nyu'e -amu -naagi 'le -a 'won'o li 'muti. 'Inno 'bhle'e -naagi'a "lru kwa 'le 'e letu 'bhle'e 'nyu tenyu. 'Inne nu e'o 'le nyu-o 'won'o li 'muti -lre.

IV A 'ye li-o, 'an 'lotu'a "nyuu-a, 'u-u 'za-a amu u-bu du 'mu -bodu 'mu, 'le nyu-u 'bhle'a -miesre, un -kaa amu "yabha 'mu 'lbha, 'le a'ba "gwlidee -kaa -deni 'mu -o. V -Bho koo 'u -te gbo -du, a de "gwli na, 'an -pulu 'wla-a amu "yi ti. -Ka a'ba Zezii Kliisu'a "gwlidee ku'a 'mu 'le a kupkpu'a ti, e-e 'lbaa-a 'umu 'buba "yi.

**Zezii *Kliisu'a nyu'a kpli*

VI 'An 'lotu'a "nynuu-a, -ka *Zezii *Kliisu "du'a a'ba -Koyi, nyu 'tmu'u 'ni amu-ε 'le a 'ye ɪ 'wɔɔn. 'Ka-a ε -nɪ'e 'mu'a dɪ, -ka ɔ 'bɔ'ɔ ti 'tɪn, a -na -kaa! VII -Ka tu-u po'a bhi glu 'le ε-ε ku'a glu ti a, -ka -lue 'mno, a de Zezii Kliisu "gwli, 'le, "dɪzɪɪ nyu-u tɔ'ɔ amu, a 'ke ε 'li ti-de! 'Inno "nyɪ'e nyu tɪnɛzεε 'le ɔ-ɔ po 'u 'kpi 'mu. Nyu-u tɔ'ɔ amu, -ka un-u nu'a, a "nyɪ ɔ a'ba "bhi -jeyi a'ba -pɔlu'a kle ti, a nu -kaa! -Zεε -Lagɔ-ɔ nu'a amu "lruli'a dɪ, a po ɔ 'sεε -wɛɛwɛɛ!

VIII 'Bho 'ε lemu, a "du a'ba "bhi "yrili, 'le, bhuhuyiti'a li nyu-u popo'a 'gwɔti, un -ku ɪ 'mu"luo 'le un -kaa a'ba "gwɔdeε -denɪ 'mu -za! I-bɪ 'gwɔtipopɔli 'mni, "nyinyidɪ'a -zuzu 'bhle'a wɔnkue 'le yaku "yi -ke nyunyɔ'ɔ -naagu 'mu ɪ-ɪ 'wɔ'o. 'Ya 'wɔ Zezii Kliisu 'mu. IX 'Ka-a ε -nɪ'e 'mu'a dɪ, a'ba po u -lokui -le! -Ekedɪmaa, ɔ-bɔ Zezii 'mno, 'unno -Lagɔ "nyɪ'e 'ɔ -dedekpli'a kle 'le ɔ -ke ɔ 'ye ε 'mu-plε. X A -gblee, a -ke Zezii Kliisu 'mno "sisri'e-e 'tɔ "yi'a dɪ, -Lagɔ'ɔ -dedekpli'a kle -nɪ'e 'le a'ba -pɔlu 'zɔ. Nyɔ'o nyɔ-ɔ 'bhle'a wɔnkue 'le yaku "yi -ke yaku 'li, Zezii Kliisu 'mno, 'unno 'mo-o 'ɔ 'bhleyi.

XI 'An 'lotu'a "nynuu-a, a -ke ɔ "sisri'e-e "yi "kɔmu'a dɪ, 'muyibole tɔ'ɔ nyu -ka a "du'a 'ɔ nyu, 'unne ɔ "du'o amu li. -Benyɪ -Lagɔ na *Zuifu mu *kle 'mu. 'Le a-bee -mnuu -bodi, 'muyibole Kliisu "du'a amu li, ε -se nyunyu nu ε -ko. ɔ-bɔ Zezii Kliisu 'mno, 'unno ε-ε 'wɔ'o 'mu. Ebe 'mne, 'unne 'mo-o, a'ba "nyinyinikli a 'bhle'a -benyɪ, ɔ -zɪ 'ɪ-ɪ amu kwa 'mu ti. XII A -gblee, 'bho a'ba *batizeenam, ε kɔ'ɔ-ɔ -ka nyu 'gbaa 'no ka amu 'le a -ke ɔ 'ye'a 'mε 'le un 'ye 'ɔ amu 'gbaa -lreε,

un 'ye'a amu tinmaze. 'Bho -gbaa -lue 'mne 'mu, a -so'ḱo "nuko, 'ε letu koo'ḱo-ḱo nyu-u 'gbaa 'no amu, 'le, -ka ḱo -so'ḱo glu 'le 'memu'a "klumu 'le ḱo 'ye'a ti-ni -lree, -ka -lue 'mno 'ka-a -Lago "nyu'e amu tinuεre. 'ε letu -nu-ε'o, -ekedimaa, ḱo-bo -Lago 'mno-ḱo -zo 'ḱo glu 'le 'memu'a "klumu, 'le ḱo 'ye'a ti-ni -lree, a 'de-e "gwli na ḱo 'bhle-e wonkuε, 'le ḱo 'ke a-bee -mnuu tinuεre "nyu. XIII -Tanyu a, -da a "du -ni 'ka nyu -yu se 'ḱo yibo, 'le, 'ḱo 'muyibole 'mne, -ε to'ḱo -ka a "du'a 'ḱo nyu, a -see 'ε -bhla 'ye ke, "nyinynidu a-a nu 'ka'a du, a 'me 'ko'o 'bho 'ḱo 'yigbeyi. 'Traamu 'to ḱo, ḱo 'gbaa'a-a amu Zezii Kliisu, 'le, -ka ḱo -zo 'ḱo glu 'le 'memu'a "klumu 'le ḱo 'ye'a ti-ni -lree, 'ka-a ḱo "nyu'e amu tinuεre, 'le, -ka ḱo 'bho'ḱo -a'ba "nyinynidu'a du, ḱo 'ye -kaa a'ba nu'a du 'bho -lree. XIV A -gblee, -tanyu a, -a 'naa-a *-Lago'ḱo gba "yu'a du, 'ḱo 'cekuta -nu'e -amu "kpi. ε -nu'a -kaa 'mu a, -a'ba "nyinynidu'a kpa-a -nu'a -amu "kpi, -a 'ke 'ka -za, -ε 'ma-a 'memεε 'bho 'ḱo 'yigbeyi, ḱo -zi -nu'e-e Zezii Kliisu 'mu 'le ḱo 'ye 'me 'bho -a'ba 'bu 'mu, -a'ba "nyinynidu'a du. 'Ka-a -a'ba kpa 'mne'ε du 'bho-ε'o. 'ε letu koo'ḱo-ḱo -ka ḱo ko'ḱo ε-be kpa 'mne 'bho Zezii'a nyuyribhaatu "yri 'le ε -ke ḱo 'ye'a 'me. XV ḱo-bo Zezii Kliisu 'mno'ḱo 'memεε'ε du, "nyinynidu'a -zuzu 'bhle'a wonkuε 'le yaku "yi, ḱo lu 'i tu won 'mu, 'le, -ka ḱo nu'a 'ε letu, 'ḱo 'memεε 'mne, 'unne -to 'ne nyu gbaa. ε koo'ḱo-ḱo -ka tuluyi 'wla'a 'ḱo -jiekomu 'le 'ḱo lemu ti 'le ḱo-ḱo to 'nu nyu "yi, 'le, -ka ḱo "du'a 'wa wonziyi, un 'ke i yibo.

XVI 'An 'lotu'a "nynuu-a, 'ka-a ε -nu'e 'mu'a du, lilili a-a li'a, 'nanali a-a 'na'a, 'le "bhalreeke 'culre'a go -ke 'Zuifu'a goε -lru, 'le "bhalreeke

*'Zuifḱ'a lifḱzḱ, 'bho 'ya kl'ε damḱ, nyḱ'ḱ 'du 'bho a'ba da -le! XVII I-bḱ gba 'mnḱ, Zezii Kliisḱ 'ye'a -yi mḱ, ɪ-ɪ 'mo-o 'ḱ 'yitigḱgḱ. 'Le ḱ yi'a, 'le ɪ 'ye 'tḱ 'plḱ 'kpa. -Ekedḱmaa, 'ya -ziadḱ'a "bhuo-o 'mo-o ḱ-bḱ Zezii Kliisḱ 'mnḱ. XVIII 'Ka-a ε -nḱ'e 'mḱ'a dḱ, nyḱ'o nyḱ-ḱ 'bḱ'ḱ ti ḱ 'ke 'ḱ "bhuo 'zḱ -ya 'le nyḱ 'ke ḱ 'yra, -ḱ 'bḱ'ḱ ti ḱ 'ke -Lagḱ gbo'a -dalbhomḱ bubḱ, "yri ḱ-ḱ 'ye'a ti, -ḱ 'le 'ε le, a'ba "tayi nḱ "yiti, 'ḱ "du 'bho a'ba da -le! 'ḱ nyḱtu-u 'bhεε-ε 'ḱ "bhuo "yi bhubhuyiti. Nyunyḱnaagi'a "sε ḱ-ḱ po'o. XIX -Ka nyḱ'ḱ "lru 'bhle'a 'ḱ 'gblḱ kwa, Zezii Kliisḱ 'ma-a -kaa 'ḱ -klagba, ḱ -ke ḱ se "yi"sisri. Nyunyḱ'ḱ lḱ 'wee "sri'a 'gblḱ "yi, -ka kuku 'zḱ'ḱ -tani kpḱn 'ɪ ti, nyḱ Zezii Kliisḱ -kḱ'ḱ, 'ka-a ḱ -ke ḱn "sisri'e "yi. 'Innḱ po 'ḱ 'kpi 'mḱ, 'le, -ka -Lagḱ 'ybha'a 'tḱn ḱn 'ke -na, ḱn-ḱ na'a -kaa.

XX-XXI A'ba "bhi yibo'o-o na, a -ke Zezii Kliisḱ bhete'e-e gbo 'le a -ke ḱ 'ye 'mε. 'Bho a-bee'a damḱ, 'ε 'zḱ 'mo-o, "nyinynikpli a 'bhle'a -benyḱ, ḱ -zḱ 'ɪ-ɪ amḱ kwa 'mḱ ti. 'ε dḱ, "nyinynidḱ'a -zuzu 'bhle'a wḱnkue 'le yaku "yi, a se 'tḱ 'ya "lru 'zḱ -nḱ. ε -nḱ'a 'tḱ -kaa 'mḱ 'le, nyḱ-ḱ -see'a -bhla Zezii Kliisḱ yibo ke, leedḱ a-a na'a 'wa ka'a? Gba 'wee nḱ'a: A'ba li 'innεεε -le, a'ba 'tḱ 'innεεε li -le, leedḱ a-a kpḱn 'nḱ "yi'a? XXII I-bḱ gba 'mnḱ, nyunyḱ po 'ɪ 'wa -bonyunyḱ. 'Wa -totḱlḱ 'mḱ ɪ-ɪ 'wlḱ'o. 'Ya 'wlḱ -Lagḱ 'mḱ. 'ε dḱ, ɪ-bḱ lḱ-ɪ -kḱ'ḱ gba 'mnḱ, -Lagḱ nḱ'a nyḱ li, 'le ḱn 'ke ɪ li, ɪ-ɪ 'sḱ-ḱ ti. XXIII I-bḱ gba 'mnḱ, -bho nyḱ -gbḱ nḱ ya "yribhuo 'mḱti, ḱn-ḱ popo-o 'gwlḱti na, ɪ-ɪ "nyḱ-e nyḱ dḱlikpḱn. -Ekedḱmaa, nyḱ-ḱ 'po-o 'wa "bhi gba 'le ḱn-ḱ nḱ'o, ḱn bubḱ -kaa -Lagḱ, ḱn 'ke 'wa "bhi 'zḱ -ya, ḱn 'ke 'wa "bhi 'kleyεε "kpi -ya -

lrɛɛ. 'In -gbɔ'a 'ɛ lɛtu ya a, ɪ-bɪ gba 'mnɪ-ɪ 'mo-o bhubhuyiti'a lɪ 'bho -Lagɔ'ɔ 'yigbeyi. I se 'bhɛɛ ɪ 'ke nyɔ wɔnkue 'nyɪ, 'le, lɪ 'ɔ nyunyɔnaagɪ -nɪ'a 'yi, ɔ 'ke ɪ wɔn 'mɔ cɛ.

III

**Zezii *Kliisi "nyɪ-e amɔ -dedekplilre*

I A -gblee, 'an 'lotɔ'a 'nynuu-a, a'ba "bhi yibo'o-o -ka -Lagɔ 'gbaa'a amɔ *Zezii *Kliisi, 'le, -ka ɔ -zɔ 'ɔ glu 'le 'mɛmɔ'a "klumɔ, 'le ɔ 'ye'a ti-nɪ -lrɛɛ, -ka -lue 'mnɔ 'ka-a ɔ "nyɪ'e amɔ tinɪɛlrɛ. 'Ka-a ɛ -nɪ'e 'mɔ'a dɪ, ɔ-bɔ Zezii Kliisi 'mnɔ, 'nɔɔ ɔ -nɪ'a 'le yaku 'li, 'bho 'ɔ -tɪta -Lagɔ'ɔ "trolli 'le ɔ -kɔ'ɔ lɪ 'wee, -zɪɪ-ɪ 'wɔɔ 'ɔ 'mɔ, a 'bɪ ɪ ti! II ɪ-bɪ -zɪɪ-ɪ 'wɔɔ'a 'le yaku 'mnɛ 'li, a zi 'ya dɪ! -Yɪ 'ma-a 'nɔɔ 'bhɔkpa "kpi'a lɪ, a'ba zi 'ya dɪ -le! III -Ekedɪmaa, a'ba tinɪɛsɔa zi-o'o 'le Zezii Kliisi 'ye amɔ tinɪɛlrɛ "nyɪ. ɔbɔ 'mnɔ, -ɔ -ke -Lagɔ "sisri'a 'yi, 'ɪnnɔ 'bhle'e a'ba tinɪɛlrɛ 'mnɛ kwa, 'le, nyɔ -yɔ se 'ɔ yibo, ɔn se 'bhɛɛ ɔn 'ke ɪ 'mɔti'wɔn. IV ɛ-bɛ tinɪɛlrɛ 'mnɛ, -bho 'ɛ "nyɪyi yi le 'le 'ɔ 'nynɪ'a 'yibhɛɛɛ 'mɔ, -ka ɛ 'bhɛ'ɛ 'yi, a-bee -mnɔɔ -lrɛɛ, 'ka-a a'ba nɛ 'ke 'yi'bhɛ -lrɛɛ, 'le nyɔ 'ke ɛ li'ye.

-Benyɪkpli -ke 'traamɔkpli

V 'An 'lotɔ'a "nynuu-a, 'ka-a ɛ -nɪ'e 'mɔ'a dɪ, ɪ-bɪ lɪ-ɪ'a nɔ'a -laa -Lagɔ 'tu: "bhɪɛɛɛ "bhɪɛɛɛ-e, 'ya -kaabolɪ -lrɪ-ɛ, "nyinyɪninaagɪ'a 'tɔnɔɔlɪ -lrɪ -ke satebhɪɛɛɛ, a -zɪ ɪ kwa gbo! (A -gblee, nyɔ-ɔ 'bhle'a sate, lɪ-ɪ 'luo'a -Lagɔ'ɔ 'bɪ 'mɔ, 'ɪnnɪ 'ɔ -pɔɔɔ-ɔ kpɔn'o ti.) VI ɪ-bɪ kplisasɔɪ 'mnɪ'a "lru 'yi, nyɔ-ɔ'a "du'a 'bho -Lagɔ, ɔ-ɔ 'ye ɔ 'ɔ cɛkɔta "kpi

-ya mu. VII A -gblee, v-bv nyv 'mnuv, -da a -nɪ'a 'le 'wa ''klumu -benyɪ, 'ka-a a'ba kpli -nɪ ko'o.

VIII 'Traamu 'tɔ ɔ, 'cɛ-e, nyanɪ -ke a -bonyunyu'a 'nyɪnsiɛɛ ''nyinyɪnika, a 'bhɔ 'ya dɪ! Wlu-u se'a 'muzaka -nɪ, 'ɛ 'wlv 'le a'ba wɔn 'mu -le! IX A 'bhɔ sɪnlɪcɪcɛdɪ! -'ɛkedɪmaa, ''nyinyɪnikpli a 'bhle'a kwa 'mɔti -benyɪ -ke ''nyinyɪnidɪ a-a nɪ'a -lɾɛɛ, a -zɪ 'ɪ-ɪ kwa gbo. X Kplilre a ''luo'o 'tɔ 'mu. -Lagɔ ''nyɪ 'ɪ amv. ɔ-ɔ 'po -ɪ kpan 'mu ''kɔmu, 'le, -ka 'ɔ -dedekpli -nɪ'a a, a'ba nɪ 'ke -kaa -nɪ, 'le a 'ke ɔ yibo -ka -zegɛka. XI 'Ka-a ɛ -nɪ'e 'mu'a dɪ, nyv-v 'ma-a *'Zuifv o, -v -se'a-a 'Zuifv o, nyv-v mu'a klɛ 'mu o, -v -see'a *klɛ 'mu mu o, lɛ'ɛ ''yriyibomu o, nyv-v se'a lɛ'ɛ ''yri yibo o, nyv-v 'ma-a 'genyɪnuukpɪn o, -v -se'a-a 'genyɪnuukpɪn o, 'wa klɛ 'bhɛɛ'ɛ 'mu-ɛ 'bho -Lagɔ'ɔ ''yigbeyi. -'ɛkedɪmaa, *Zezii *Kliisɪ -nɪ -lue 'tɪn, 'ɪnnɔ 'mo-o 'wa 'bhleyi, 'le, nyv ɔ -kɔ'ɔ, ɔ -nɪ'e 'le 'wa -pɔlv 'zɔ.

XII A -gblee, 'an 'lotv'a ''nyɪnuu-a, a popo 'gwlvɪ na -Lagɔ -za'a 'bho amv-ɛ a 'ke 'ɔ nyv ''du! ɔ -kma'a-a a'ba dɪ -lɾɛɛ. 'Ka-a ɛ -nɪ'e 'mu'a dɪ, a 'ye nyv'a ngaze, a'ba 'limv -nmɔ wɔn, a -ya a'ba ''bhi 'zɔ, a -nmɔ kpli 'mu 'le a 'ke ''gwli-ku! XIII A 'bhɪbhɛ wɔnyɪ! -Bho nyɔ nɪ amv ''nyinyɪnidɪ ''lruli, a 'bhɔ 'ya dɪ! -Ka -a'ba -Kɔyi Zezii Kliisɪ 'bhɔ'ɔ a'ba ''nyinyɪnidɪ'a dɪ, abv 'bhɔ -kaa a -bonyunyu'a nɪ'a dɪ -lɾɛɛ! XIV 'Bho 'ya lemɪ, lɛ-ɛ 'bhle'a 'nyɪ tenyɪ, 'ɪnnɛ 'mo-o a'ba dɪkɪkmɛɛ. -'ɛkedɪmaa, -bho a kɪkma -kɪkma dɪ, ''lemnɪ a-a 'plɛ-ɛ -pɔlv 'mu 'le a-a kpɪkpɪn'o ti. XV A -gblee, -pɔlv'a bhlvhlua Zezii Kliisɪ ''nyɪ'a amv, a ''tayɪ nɛ ''yiti, ɛ 'ke 'le a'ba -pɔlv 'zɔ ''yi, -'ɛkedɪmaa,

-Lago 'la'a amv-ε 'le -polv'a bhlubhlua 'ke a'ba 'nynumv -nι 'le a 'ke nyo -lue "du! Ε-be -zegε ρ nu'a amv "lruli'a dι, a po ρ 'σεε -wλεεwλεε! ^{XVI} Dι Zezii Kliisι -za'a 'mv, a de ι 'le a'ba -polv 'zρ ti 'tιn! A popo nι 'gwlvtι "kρmv! -Naagtι -Lago "nyι'a amv, a "luo nι 'mv 'le a 'ke ι tvtρ, 'le a 'ke "dι 'mv "dudu! 'Lbι nyv-υ za nι'a -Lago'ρ -wεε -ke 'lbi -lru *'ρ Lisaazuzu-u po'a nyv'a wρn 'mv 'le υn-υ bhle 'ι a, a bhle ι -Lago -bodι 'le a 'ke ρ 'σεε po! 'Le 'ya 'wee 'mv a 'bhεε 'ρ 'nyntι 'yi a'ba -polv'a kle ti! -Bho a -ka -kaa nu a, Zezii Kliisι'a 'mυzadtι 'mnι, a popo nι 'gwlvtι "kρmv! ^{XVII} 'An 'lotv'a "nynuu-a, λ'ο λε a-a nu'a, a-a za'a 'mv, a -ke -a'ba -Kρyi Zezii 'bhεε wlu 'mv 'le a 'ke 'ρ 'nyntι 'yi'bhεε! 'Le 'ρ 'nyntι 'mv, a po -a'ba -tita -Lago 'σεε!

-Lago'ρ nyv'a -gligba

^{XVIII} A-bυ 'nynυkpaktι-ι "ti'a nyna, a-bυ 'ιn-ι "si'e 'nyntι. A'ba nyo'ο nyo 'yρρ -nι 'wa nyimie kwa 'le υn 'ke ρ 'bho "du, -εkedυmaa, 'ιnne -nm'ρ "yrili 'bho -a'ba -Kρyi *Zezii *Kliisι'a "yigbeyi!

^{XIX} Nyρ-ρ 'ma-a 'nynobhleyi, 'ιnρ 'ιn-ι 'tmυυ'ο -lrεε. ρ -kma 'ρ 'nynρ'ρ dι! 'ρ -polv'a 'bhε "yi -le 'bho υ "kpi!

^{XX} "Yreetι-a, a "du 'bho a'ba 'bhlemυ 'le λ'ο λε 'mv, -εkedυmaa, 'ε letu nu'ο -a'ba -Kρyi Zezii Kliisι 'tυ.

^{XXI} 'Bho 'ε lemυ, nyv -yv 'ma-a "yreetι'a 'bhlemυ, 'wa -polv'a 'bhε "yi -le 'bho υ "kpi 'le 'kpi -kυυ υ "yiti-wa!

XXII A-bu 'ma-a nyu'a lbhuhumu, 'in-ɪ "du-o amu "dɪ 'mʊ -lrɛɛ. A'ba -klɪgbɪ -ke lbhʊ a-a nu'a a, a "du ʊ 'bho 'le lɛ'o lɛ 'mʊ! -Bho ʊn -nɪ 'bho a'ba "troli, ʊn 'ke a'ba "dɪ -za'a dɪ, a'ba "du -nɪ nu 'bho'a "sɛ -le! -Bho ʊn "nyɪ amu lbhʊ, a nu ɛ a'ba -pɔlv'a klɛ ti! -ɛkedɪmaa, a-a "du'o 'bho-o -a'ba -Kɔyi. XXIII -Bho ʊn "nyɪ amu lbhʊ'o lbhʊ, a nu ɛ a'ba -pɔlv'a klɛ ti, -ɛkedɪmaa, ɛ -se nyunyu'a "sɛ'ɛ lbhʊ -ko! -A'ba -Kɔyi'a lɛ mo'o -lrɛɛ. XXIV A popo 'gwɫuti na, ɔ-bo -a'ba -Kɔyi 'mno-ɔ 'ye-e amu -zɛgɛ "lruli-nu -mʊ. Nyu ɔ -kɔ'ɔ ɔ, -zɛgɛ ɔ de'a 'le yaku 'li ti 'wa dɪ, 'unne ɔ-ɔ 'ye amu "lruli-nu mʊ. -ɛkedɪmaa, a'ba -klagba -ke lbhʊ a-a nu'a a, 'ɔ "bhuo 'mo-o Zezii Kliisi. XXV ɛ -nɪ'a -kaa 'mʊ a, dɪ-ɪ se'a "yi'srɛɛ, nyɔ-ɔ nu 'ɪ a, -Lagɔ-ɔ 'ye ɔ 'kleyeɛɛ "kpi -ya -mʊ 'ɔ "nyinyɪnɪdɪ 'mni'a dɪ. -ɛkedɪmaa, -Lagɔ'ɔ ple nyɔ'ɔ 'yri.

IV

I 'An 'lotv'a "nynuu-a, a-bu 'bhle'a lbhuhumu, a-bu 'in-ɪ "du'o 'tɔ "dɪ 'mʊ. A nu ʊ "yisrɛɛdɪ "lruli! A popo 'gwɫuti -lrɛɛke na, a-bee -mnuʊ, a 'bhle-e -koyi 'le yaku 'li!

'Pɔlv-ʊ "du-o Kolosukomu "dɪ 'mʊ

II 'An 'lotv'a "nynuu-a, -zɛgɛ -Lagɔ nu'a amu "lruli'a dɪ, a yaa 'mʊti 'le a 'ke ɔ *wɔn gbo po! A'ba 'bhle 'plv -le! A po ɔ 'sɛɛ "kɔmu! III-IV Nyu-ʊ -nɪ'a 'inmʊ -kpanamu 'bho -Lagɔ'ɔ lbhʊ'a nʊnamʊ, a po ɔ wɔn gbo -lrɛɛ 'in -ke 'wa dɪ, 'le, 'ɔ wlu -a za'a nyu -bodɪ 'mʊ, ɔ 'ke 'ɛ -jɔlv wɔn-flɔ, 'le, *Zezii *Kliisi'a "dɪzɪgɪ'a dɪ-ɪ 'kpa'a 'tɔ "piemʊ a, -a 'ke 'ya "kpidɪ gbɔzɪza, -a 'ke ɪ ʊ 'tmʊʊ! A po ɔ wɔn gbo 'an dɪ, 'le, -ka 'ɔ wlu

'le'ε 'tɪn, 'ɪn 'ke ε -kaa nyɔ -bodɪ 'mɔ-za gbaa! A -gblee, 'ɔ wlu'a 'mɔzεε 'mnε'ε dɪ, 'ɪn -nɪ'e 'nɔɔ -jie 'mɔ.

V 'An 'lotɔ'a "nynuu-a, nyɔ-ɔ se'a Zezii Kliisu yibo, a 'srεε a'ba kpɪli "yi 'bho ɔ "kpi! -Nɔɔ -ke 'li a -nɪ'a a, a'ba "tayi nε "yiti 'ε zi -le bhuhuyiti! A -kpa nyɔ -nalo! VI A -gblee, -bho nyɔ po 'tɔn 'le -zapɔ kɔ, -ka ε-ε nmɔ'ɔ wɔn, a'ba wɔnmɔwlu -nɪ -kaa! -Bho nyɔ dede amɔ le'ε "kpidɪ ti, -ka a 'ke ε gbɔzɪza -yɔkɔɔ, 'le ɔ 'kɪ ɪ 'muti'wɔn -ka -zεgεka, a yibo -kaa -lrεε!

'Pɔɔ-ɔ 'po-o Kolokomvu 'yewlu -jeyi.

VII A -gblee, -a'ba dɪkmalotɔ'a "yu Tisiku "yri kpɔn'a ti 'bho -a'ba -Koyi -Lagɔ'ɔ -jeyi, -ɔ -ke 'ɪn-ɪ nɔ'a 'ɔ lbhɔ, 'ɪnnɔ 'ye amɔ 'an "kpidɪ -bodɪ 'mɔ-za mɔ. VIII Lε-ε -ke "lru "yi 'ɪn-ɪ lbho 'ɔ 'le amɔ gbo a, 'ɪnnε 'ka-a: A 'ye li-ɔ, 'ɪn-ɪ lbho -ɔ'o, 'le, dɪ-ɪ -nɪ'a zinamɔ 'nɔɔ -amɔ gbo, ɔ 'ke amɔ 'ya kuna po 'le ɔ 'ke amɔ 'kpi "yi po -lrεε. IX A'ba "bhi'a "bhliyi Onesimɔ "yri kpɔn'a 'nɔɔ ti 'bho -Lagɔ'ɔ -jeyi, -ɔ -ke dɪ -a -kma'a -lrεε, 'ɪnnɔ -ke ɔ -na'o. Dɪ-ɪ -nɪ'a 'nɔɔ zinamɔ, ɔn -nɪ 'sɔn-ɔ 'ye ɪ amɔ 'tmɔɔ mɔ.

X Alisɪtakɪ -ke 'ɪn -nɪ'a 'nɔɔ -jie 'mɔ na, ɔ-bɔ 'ye'e amɔ! Banabaasɪ'a 'lotɔ'a "yu Maakɪ na, ɔ-bɔ 'ye'e amɔ -lrεε! (ɔ-bɔ Maakɪ 'mnɔ ɔ, 'ɪn -za'a 'ɔ dɪ amɔ -bodɪ 'mɔ-ε see: -Bho ɔ yi 'le amɔ gbo, a kpɔn 'ɔ 'lɪkpɔ -gli!) XI Zezii -ke liduunynɪ 'ma-a Zutuusɪ na, ɔ-bɔ 'ye'e amɔ -lrεε! 'Le *Zuifɔ "we'a "klumɔ, ɔ-bɔ nyɔ tan 'mnɔ, 'wa "sε-ε kpa'a 'ɪnmɔ 'le -Lagɔlbhɔ'a nɔnamɔ, 'le nyɔ ɔ

-ko'v v, nyv -lrub 'ke 'bi 'ye 'le 'wa ''klumv. Un-v 'po-o 'nvv 'inmv 'kpi ''yi tenyi.

XII A'ba ''bhliyi Epaflast na, v-bo 'ye'e amv! v-v 'mo-o *Zezii *Kliisv'a lbhuvuyi. v-v 'po-o *-Lagv wv n gbo -wleεwleε a'ba d, 'v -polv'a kle ti. v-v 'po -v wv n gbo, 'le a'ba ''gwlideε -kaa -deni 'mv -sv, a 'ke ''yritiku 'bho a'ba -Lagv jeyinanamv, 'le a 'ke 'v 'gwlvdi yibo -ka -zegeka 'le a 'ke ε nv. **XIII** -Ziadi mo'o. A-bv Kolosukomv-e, Laodiseekomv -ke Yielapolisikomv'a d v-v stav'o tenyi. **XIV** Luukv 'ma-a -dovrvv, v -ke d -a -kma'a tenyi, v -ke Demast -ni 'sv n na, v-bv 'ye'e amv!

XV Zezii'a -glvgbawvnyi'a nyv-v -ni'a 'bho Laodisee, 'inmv 'ye 'v! -A'ba 'lotv'a ''yunynaakpv Nεfaa -ni'a 'le 'wa ''klumv, vn -ke -a -Bozezii'a nyv-v 'gbvv'a ''lru 'le v ''bhlibhlegbo, 'inmv 'ye 'v -lrεε! **XVI** ε-be ''bv gv 'in-v pov'a -laa amv -jeyi, -bho a gwε 'ε 'lizrεε ''yi, a -Bozezii'a nyv-v -ni'a 'bho Laodisee, a kvε ε 'le v gbo, vn 'ke ε 'li zrε -lrεε! U-bee -mnav'a -ne 'in pov 'v -jeyi, -bho ε 'wlv 'le v gbo, 'le ε 'ke amv gbo nyvi, a zrε ε 'li -lrεε! **XVII** A 'tmv Asipv, lbhv -a'ba -Koyi Zezii Kliisv ''nyi 'v v, v 'ke ε ''yrili''du -ka -zegeka!

XVIII 'An 'lotv'a ''nynuu-a, 'inmv 'Polv 'ye'e amv! 'An 'yewlv -nεε, 'mna-a'a ''bhvo-o 'cni ε'o. -Ka 'in -ni'a -jie 'mv, a'ba 'mate ni -le!

-Lagv -wv nna amv ''niti!

-YBHËYBHËTITELRE
Nyabwa: -YBHËYBHËTITELRE New Testament
Nouveau Testament de Nyabwa

copyright © 1991 Wycliffe Bible Translators, Inc.

Language: Nyaboa (Nyabwa)

Contributor: International Bible Society

All rights reserved.

2020-11-30

PDF generated using Haiola and XeLaTeX on 21 Feb 2024 from source
files dated 29 Jan 2022

7657d3f5-7539-5138-b61f-b1ee280646f9